

دڻرله

عيسى كات: دڻرله فواق مو سموا!

(مرقوس 7 : 14)



سموا اورغ هق روق دغر عيسى
هاري تو، براس لكت رهاتي فس ري
حيران کران عيسى فندي برشرح بالس
تو.

(لوقس 4 : 22)


عيسى کات : لا غيت دغن بومي نق
هيلغ، تافي فرکتان کو نق ککل سلام ۲.
(لوقس 21 : 33)

فرهاتيله باءيك ۲ هق اکونق رويت
ني ، عيسى کات. اورغ هق دغر
فرکتان کو، فس فرچاي کا توهن باف
هق سوروه اکو ماري کا دنيا ، اورغ
توله بوليه ده هيدوف چارا بارو هق
توهن .

(يحيا 5 : 24)

رومه دوا بواه


عيسى كات، گنفم اورغ هق دغر
فعاجران كو، فس دي راجين بوات
توروت، اورغ تو جاري سروف اورغ
بيجقسان، هق راجين بوات رومه
ري اتس فلافيق باتو. بيلا هوجن
تورون، اير سوغي مليمفه، اغين ريبوت
قواة فوفوت فون، رومه تو تاءار افم
رغن کران توان بوات اتس باتو.
تافي گنفم اورغ هق دغر فعاجران



کو، فس دي مالس نق بوات توروٲ،
دي جاري سروف اورغ بودوه هق
مالس نق بوات رومه اتس باتو، بوات
اتس فاسير ساج . بيلا هوجن توروٲ،
اير سوغي مليمغه، اغين ريٲوت قواٲ
فوفوت، رومه تو فون رونتوه سالالو.
دهشت سوغکوه رونتوهٲ تو!

بيلا عيسيٰ سوده مٲاجر سموا
فرکارا ني، اورغ رامي هق روق دغر
دي براس حيران سوغک، کران عيسيٰ
روق مٲاجر دغن کواس، تاءسروف دغن
کوروٲ کتاب تورات، رق .
(متيوس 7 : 24-29)

توهٲ لتق ده عيسيٰ المسيح جاري
فلافيق سا ساج، هق لائين تاءليه فاكي.
(1 کورينٲوس 3 : 11)



سٺيڪور بيريج حق سست

عيسيٰ کات: ميسل، سٺورغ رالم
 فواق مو ار بيريج سراتوس ايڪور فس
 هيلغ سٺيڪور، توان دي نق بوات
 لا ڪو مان؟ دي نق تيغڳل حق سمبيلن
 فولوه سمبيلن ايڪور تورفادغ، ڪي چاري
 حق هيلغ سٺيڪور، هيغڳ سمفي برتمو.
 بيلا تمو ده، دي فون فيڪول
 بيريج تو ڪليق ڪا رومه دغن سوڪهاتي
 فس فغڳيل ساءين ۲ ڪمفوغ ماري سوڪ ۲

سکالي دغن دي . نيله بيریغ هق هیلغ.
اکو تمو ده! دي کات.

بالس تو جوگ ، عیسی کات ، بیلا
ساتو اورغ بردوسا توة ، جاري سوک
ریا دالم شرگ ، لبیه لاگي فد سوک
ریا انتوق سمبیلن فولوه سمبیلن اورغ
هق بتول ، تاءکنا توة .

(لوقس 15 : 3-7)

اکو سندیریله توان بیریغ هق
مولیق ، عیسی کات . توان هق مولیق
نی ، جوغ ریلا قربان پاوا دي گنتي
بیریغ دي !

اکو سندیریله توان بیریغ هق
مولیق ، عیسی کات . اکو کنل دغن
بیریغ کو ، بیریغ کو فون کنل دغن اکو .

(یحیا 10 : 11، 14)

ميسل سا لاڳي ، عيسيٰ کات ، ار
اورغ، ري ار انق جنتن روا اورغ.
انق بوغسو ماري کيچيق دغن ايه ري
کات: يا ايه! بريله سلالو، فساڪ هق
بڳيان اڪو! ايه ري فون، بهاڳي هرت
ري کا انق روا اورغ تو.

لفس فد تو، تاء لام، انق بوغسو
فون، هيغفون جوال بڳيان ري، امبيق
دويت، تويت ڳي کا نگري جاءوه .
دسيتو، ري دوق بلنجا بوروس، دغن
تاء برايغت.

بيلا دويت ري هابيس، با بتولن
دغن ڪماراو بسر سرات نگري تو. فس
ري تاء ار سڪارا هابوق. سابيت تو،
ري ڪنا ڳي ڪرڇ کا اورغ دالم نگري تو
اورغ ني فون سوروه ري ڳي فيرا بابي


ربندځ. ږي لافر هيټگ ږي براس نق
ماکن بري کيځ دغن کوليت کاچځ هق
بري ماکن کا بابي ،تافي اورغ تاءبري
کا ږي .

باروله ږي سدر ږيري کات : کولي
هق کرج درومه ايه کو ، ار مکانن لبيه ،
تاءچيکف نق ماکن ، تافي اکو ، انق ږي
سنديري دوق سيني ، نق ماتي دغن
کران مومر!

ايه ! اکو نق کليق کي چاري ايه کو ،
کات کا ږي : يا ايه ، اکو مځاکو ساله
کا توهن ، فس دغن ايه جوگ . اکو تاءسوغ
نق فغکيل انق ايه لاگي . بلرله بري
اکو دوق کرج سروف کولي ايه ساج !
سوده فيکير بالس تو ، انق بوغسو
سائي باغون کي چاري ايه ږي . فس
ايه ږي نمفق انق دوق جاءوه لاگي .

ري فون براس كسياغ بلس، فس هوڱل
کي سمبوت انق، فلوق سيوم ري .
انق فون کات کا ايه ري : يا ايه
امب مڱاکو ساله کا توهن، فس رڱن
ايه جوڱ . امب تاءسوغ نق فڱگيل انق
ايه لاگي . . .

تافي ايه ري فڱگيل کولي ۲ ماري
کات : کي امبيق باڱتله، باجو جوبه هق



موليق سڪالي ، ماري بري انق کو فاکي!
 امبيق چينچين، کاسوت، ماري بري ري
 فاکي ، فس کي امبيق انق لمبو هق
 کموق سڪالي ، ماري سمبليه. کيت نق
 بوات جاموان سوک ۲! کران انق کوني،
 سروف ري ماتي ده، فس هيديوف کليق.
 ري هيلغ لام، لاني تمو ده.
 (لوقس 15 : 11-24)

سئورغ منتري تا'جوڻ بري معاف

ار ساتو راج، عيسى کات ، ري
 نق تيفوق حاصلن نگري ري هق
 سوروه منتري ۲ ري جاگ .
 بيلا راج روق کيرا تيفوق بنچي
 ري تو، ار سئورغ منتري کنا باواء
 ماسوق مفهارد راج ، هق لکت اوتغ

راج سمفي جوت ۲. منتري تو تاءليه
باير. راج فون سوروه امبيق منتري ،
سموا د رومه دي ، انق ۲ بيني فون ،
کي جوال جاري همب اورغ. هرت
بندا فون کنا جوال هابيس، نق بري
چوکوف باير اوتغ راج .

هاوا دغر بالس تو، منتري ساءني
فون کي سجود ، مينتاء کسياغ بلس
کا راج ، کات: يا توانکو ، مينتاء
کسياغ بلس! کهور د ولوله! امب نق کي
چاري باير سموا اوتغ تو. راج فون
براس کسياغ کا دي، هافوس سموا اوتغ
تو، لفس منتري کي .

تکه منتري دوق توبيت درفد کوت
راج تو، دي برتمو دغن ساءين دي
هق جاري منتري راج جوک. ساءين

دي ني لکت اوتڻ دي روا راتوس کوف
ساج . دي فڳڻ سائين دي ، چکيق تڳڻ
سوروه باير ساللو.

سائين دي تو فون سڄور مينٽا
دڻن منٽري سائين کات : مينٽا کسياڻ
بلس ! کهور دولوله ! اڪو نق کي
جاري باير اوتڻ مو تو . تافي منٽري
تو تاءِ جوڻ ، فس دي سوروه اورڻ ايڪٽ
سائين دي تو ، کي بوبوه دالم ڳوڻ
سمفي دي باير اوتڻ دولو ، بارو لفس .
بيلا اورڻ لائين هق جاري فواق
منٽري راج جوڳ ، تيغوق جاري بالس
تو ، دي فون براس سوسه هاتي ، کي
رويت کا راج ساللو.

راج فون سوروه کي امبيق منٽري
تو ماسوق مڱهارف دي ، فس کات
کا دي : مو اورڻ هاتي هيٽم ! مولکت



اوتغ دغن كو بايق ستارا تو فون، اكو
 هافوس سموا تاء كيرا، ايكوت هق مو
 مينتاء تو. مو تاء بوليه كه، كسياغ بلس
 سام سائين مو، سروف اكو كسياغ بلس
 كغد مو؟

تكه تو راج ماره ساغت، سوروه
 كتوام ۲ كوق ماري امبيق منتري تو گي
 بوات سيقسا كا ري سمفي ري باير
 اوتغ هق بايق تو.

(متيوس 18 : 23-34)

امبيق فاكيله بوري بهاس رالم
 فواق مو دغن كسياغ بلس مو اكو.
 توهن امفون ده روسا ۲ مو دغن
 سابيت المسيح. سروف تو جوگ ، فواق
 مو فون كنا معاف مو اكو.
 (ايفيسوس 4 : 32)

چريتا سئورغ هق طمع

عيسى كات كا اورغ رامى تو: مو
 كنا جاگاله طبيعة طمع تو! كيت بوليه
 هرت بندا بايق ۲ مان فون ، هيدوف
 كيت تاءكاي لاگي .
 فس عيسى رويت دغن عبارة ني ،
 نق بري اورغ رامى ارتى :

ار اورغ کاي سئورغ، تانه ري
بوليه حاصلن بايق. فس ري دوق
فيکير دالم هاتي کات: اکو نق بوات
گان، لتق دمان، حاصلن کو سموا؟
تاءار تمفت نق تاروه.

ها، نق بوات کيني! نق رومبق
سموا تمفت گدوځ هق سديا نق بوات
لائين هق بسر، بارو فادن بوبوه سموا.
فس، اکو بوليه سنغ هاتي کات بارغ
کو دوق کسر بلاک ده، نق بري بوليه
فاکي بايق تاهون لاگي. اکو بوليه
برادو امبيق ريغ ده، ماکن مينوم بري
سوک٢ له! بالس توله ري کيچيق دالم
هاتي ري.

تافي توهن کات کا ري: هي
اورغ بوروه! مالم ني جوگ، مو کنا

بري پاوا مو كليق . فس، سمو بارغ
هق مو روق تاروه تو، نق جاري
هق سياف فول؟ .

بالس تو له، عيسى كات، سمو
اورغ هق سوک هيمنون هرت انتوق
ديري ري، تائسير کاي دفنداغن
توهن .

(لوقس 12 : 15-21)

فرکارا هق مستحق سکالي، فواق
مو کنا کايچ چاري جالن نق توروت
فرينته توهن باف مو رولو، باروله
توهن نق بري سمو فرکارا هق مو
کنا فاکي تو.

(لوقس 12 : 31)

بسر کا ديري دشن هرنده ديري

عيسى رويت عبارة سا لاكي، انتوق
توجو كا اورغ هق اغكيت ديري ري
كات موليق، كا اورغ لائين ري هينا.
ار روا اورغ كي كا بيت المقديس
نق بردعا، اورغ فريسي سئورغ، سئورغ
لاكي كرج كوتيف چوكي، هق سما
اورغ هينا.

اورغ فريسي باغون برديري سئورغ
ري، بردعا بالس ني: يا الله
يا توهن كو! اكو مغوچف تريما كاسيه
كا توهن کران اكو تاءبياس طمع،
تاءبياس منيفو اتوا بوات زناء فون،
تاء سروف اورغ ۲ لائين تو! اكو اوچف
تريما كاسيه جوگ، کران اكو تاءسروف

دغن اورغ کوتیف چوکی نی . یا توهن !
 اکو بیاس فواس روا هاری دالم سمیغگو
 فس درفد سمواحاصلن کو، اکو بری
 سگیان دالم سفلوه، کلوار زکات .
 تافی اورغ کوتیف چوکی فول، دی
 روق بریری جاءوه دغن اورغ فس ،
 تکه بردعا، دی مالو نق لغق ناءیک
 کا اتس. دی روق لوروت دارا دغن
 کران سسل سوغکوه، فس کات: یا توهن !
 کسیاغ بلس له، کا اکو نی، اورغ بردوسا.



سسوغڭوهن ، عيسى كات ، بىلا
 روا اورغ تو كلىق كا رومه ماسيغ ۲
 جاري اورغ بردوسا هق مپسل تو ،
 هق توهن كات تاءساله ده ، بوكن
 اورغ فريسي . كران اورغ هق سوک
 بسر كا ديري كات مليا ، تنتو توهن
 نق بري رنده فول ، فس اورغ هق
 سوک مرند ده ديري ، توهن نق بري مليا.
 (لوقس 18 : 9-14)

دغرله! اكو ربي ني روق دافن
فينتو مو، فس اكو روق گرتوق مينتاء
ماسوق. كالو ار سئورغ فون هق دغر
سوارا كو، فس ري بوك فينتو تو، اكو
نق ماسوق كا رالم، ماكن سكالې دغن
ري سالالو.

(هق توهن بري پات 3 : 20)

فواق مو هق ار تليغا، دغرله
هق اكو رويت ني، عيسى كات.
(متيوس 13 : 9)

ايسي سورت ني ايات ۲ هق امبيق
درفد كقات توهن . فمباچ ۲ سوغ
فاتوت سوغكوه ۲ امبيق كي باچ سنديري
سبواه كتاب تو . كران كتاب توله
فركتائن هق توهن وحي انتوق سموا
ماءنسي .

ตู้ ป.ณ. 1105

ดอนเมือง

กรุงเทพฯ 10211